

## UGOVOR

o nabavci roba: Klima uređaja  
putem direktnog sporazuma

### I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Dženan Brkanić, (u daljnjem tekstu: **Kupac**), ID broj: 4200665390008
2. **LUK d.o.o.**, ul. Zagrebačka br.4d, 71000 Sarajevo, koju zastupa izvršni direktor, Faruk Avdagić (u daljnjem tekstu: **Prodavac**), ID broj: 4200441950008.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao "**Ugovorne strane**".

### II OSNOV ZA ZAKLJUČENJE UGOVORA

Osnov za zaključenje ovog Ugovora je ponuda Prodavca od 26.05.2023. godine, i Zapisnik o provedenom postupku za nabavku roba, klima uređaja, broj: 06-11-726-2/23 od 30.05.2023. godine.

### III PREDMET UGOVORA

#### Član 1.

Predmet ovog Ugovora je nabavka roba: "Klima uređaji", putem direktnog sporazuma, a sve prema pozivu za dostavu ponude broj: 06-11-726-1/23 od 24.05.2023. godine.

#### Član 2.

Prodavac je dužan isporučiti predmet nabavke iz člana 1. ovog Ugovora prema svojoj Ponudi i specifikaciji Kupca te iste postaviti i pustiti u rad.

### IV CIJENA I NAČIN PLAĆANJA

#### Član 3.


Ukupna vrijednost ugovorene nabavke definisane u članu 1. ovog Ugovora iznosi: 4.877,67 KM (slovima: četirihiljadeosamstotinasedamdesetsedam i 67/100 KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

#### Član 4.

Ugovorne strane su saglasne da će Kupac ukupan iznos iz člana 2. stav 1. ovog Ugovora isplatiti Prodavcu po obostranom potpisivanju ugovora, a nakon isporuke, postavljanja i puštanja u rad klima uređaja u roku od 10 dana, na račun Prodavca broj: 3389002202293733 otvoren kod UniCredit Banke d.d.



## **V ROK I MJESTO ISPORUKE**

### **Član 5.**

Prodavac se obavezuje da će robu iz člana 1. ovog Ugovora, isporučiti na adresu: Fehima ef. Čurčića br.1, najkasnije u roku do deset dana nakon obostranog potpisivanja ovog Ugovora.

## **VI KVALITET ROBE**

### **Član 6.**

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi od 26.05.2023. godine, a koju je Kupac odabrao kao prihvatljivu i kvalifikovanu.

Primopredaju robe i kontrolu postavljenih klima uređaja izvršit će ovlašteni predstavnici Prodavca i Kupca.

## **VII OBAVEZE PRODAVCA I KUPCA**

### **Član 7.**

Prodavac se obavezuje:

- da će ugovorenu obavezu izvršiti blagovremeno, u ugovorenom roku, u skladu sa pozivom za dostavu ponude, a prema dostavljenoj Ponudi;
- da će u najkraćem roku otkloniti eventualne nedostatke koji mu budu predloženi prilikom primopredaje i instaliranja robe iz člana 1. ovog Ugovora od strane ovlaštenog lica Kupca;
- da će Kupcu predati garantne listove za robu iz člana 1. ovog Ugovora;
- da će ponuđenu robu iz člana 1. ovog Ugovora dopremiti, ugraditi i pustiti u rad na adresu i u roku iz člana 5. ovog Ugovora.

### **Član 8.**

Kupac se obavezuje:

- da će izvršiti uplatu ukupne cijene vrijednosti ugovorene robe iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

## **VIII PRIJELAZNE I ZAVRŠNE ODREDBE**

### **Član 9.**

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### **Član 10.**

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

### Član 11

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne bude moguće, nadležan je Općinski sud u Sarajevu.

### Član 12.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca.

### Član 13.

Ugovor je sačinjen u 5 (slovima: pet) istovjetnih primjerka, od kojih Kupac zadržava 3 (tri), a Prodavac 2 (slovima: dva) potpisana i ovjerena primjerka.

ZA PRODAVCA



Za Faruk Avdagić




Broj: 10145/23  
00, 06 .2023. godine

ZA KUPCA



KS  
TOR

Dženid Brkanić



Broj: 00 726-3/23  
Sarajevu, 01.05.2023. godine

